

# Styrktarsamningur

## mennta- og menningarmálaráðuneytis

### við Dansrækt JSB

Mennta- og menningarmálaráðuneyti hefur ákveðið að veita Dansrækt JSB ehf. styrk og fjallar þessi samningur um þá styrkveitingu. Mennta- og menningarmálaráðuneyti, kt. 460269-2969, er í samningi þessum nefnt ráðuneyti, Dansrækt JSB ehf., kt. 680602-4410, er í samningi þessum nefndur JSB.

#### 1. Markmið og starfsemi/verkefni

1.1. Meginmarkmið með samningi þessum eru að:

- Styrkja stoðir listdans og gefa nemendum á framhaldsskólaaldri sem hyggjast leggja stund á háskólanám í listdansi kost á sérhæfðu undirbúningsnámi.
- Efla hæfni, þekkingu og leikni listdansnema á framhaldsstigi.
- Tryggja framgang stefnu sbr. fjármálaáætlun 2020-2024 á málefnasviði 20 – Framhaldsskólastig í málaflokki 20.1 – Framhaldsskólar.

1.2. Starfsemi/verkefni:

- Ráðuneytið styrkir JSB til að sinna kennslu kjörsviðsgreina í listdansi fyrir nemendur á staðfestri listdansbraut sem og fyrir þá nemendur sem fá slíkt nám metið til eininga í frjálsum vali til lokaprófs.
- Kenna á grundvelli staðfestrar námsbrautar í listdansi.
- Veita nemendum og kennurum þjónustu og aðbúnað sem er nauðsynleg og almennt tíðkast vegna náms í listdansi.
- Veita nemendum trausta og faglega menntun sem nýtist þeim undir frekara nám í listdansi.
- Vera með námsframboð sem stuðlar að aukinni menntun og þroska nemenda þar sem áhersla er á líkams- og hreyfifærni, listsköpun, samstarf, sjálfsþekkingu, túlkun, tjáningu og dansgleði.
- JSB heldur inntökupróf fyrir væntanlega umsækjendur.
- JSB mun á samningstímanum sjá 33 ársnemendum í nútímalistdansi fyrir verklegri kennslu í listdansi á listdansbraut.
- Ársnemandi er sá sem skilar 30 einingum á skólaári.
- JSB annast verklega kennslu í listdansi fyrir þá nemendur sem fá slíkt nám metið til eininga í frjálsum vali til lokaprófs frá framhaldsskóla. JSB leitast við að skipuleggja framangreinda kennslu þannig að hún falli sem best að öðru námi nemenda í viðkomandi framhaldsskóla.
- Skólanámskráin skal vera í samræmi við staðfesta listdansbraut.
- Kennsla samkvæmt samningi þessum skal fara fram í sérhæfðu húsnæði sem uppfyllir faglegar kröfur til kennslu í listdansi.
- JSB mun á samningstímanum innleiða aðferðir til að meta árangur og gæði skólastarfsins í samræmi við 41. gr. laga um framhaldsskóla.
- Vera með námsframboð sem stuðlar að aukinni menntun og þroska nemenda þar sem áhersla er á líkams- og hreyfifærni, listsköpun, samstarf, sjálfsþekkingu, túlkun, tjáningu og dansgleði.

## 2. Forsendur samnings og lagaheimildir

- 2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015.
- 2.2. JSB starfar samkvæmt samþykktum félagsins 21. júní 2002.
- 2.3. Fyrir 1. júní 2021 skulu samþykktir félagsins kveða á um að það sé ekki rekið í hagnaðarskyni.
- 2.4. JSB starfar í samræmi við lög og reglugerðir sem eiga um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem ekki eru ríkisaðilar en veita opinbera þjónustu sem er kostuð að verulegu eða öllu leyti af framlögum ríkisins. Eftirfarandi lög og reglugerðir kunna því að eiga við:
  - Lög um opinber fjármál nr. 123/2015.
  - Aðalnámskrá framhaldsskóla, listdans á listdansbraut, sbr. auglýsingu nr. 754/2020.
  - Lög um framhaldsskóla, nr. 92/2008.
  - Lög um opinber innkaup nr. 120/2016.
  - Upplýsingalög nr. 140/2012.
  - Stjórnslög nr. 37/1993.
  - Lög um ríkisendurskoðanda og endurskoðun ríkisreikninga nr. 46/2016.
  - Samkeppnislög nr. 44/2005.
  - Lög um persónuvernd og vinnslu persónuupplýsinga nr. 90/2018.
  - Lög um opinber skjalasöfn nr. 77/2014.

## 3. Styrkveiting

- 3.1. Heildarskuldbinding samningsins eru kr. 123.261.000 og árlegt framlag ríkisins eru kr. 41.087.000 á samningstímanum.
- 3.2. JSB skilar ráðuneytinu nemendauppgjöri vegna hvers skólaárs fyrir lok júní ár hvert. Leiði nemendauppgjör í ljós að nemendur eru færri en 27 á önn, getur ráðuneytið krafist endurgreiðslu á framlagi sem nemur kr. 1.203.000 fyrir hvern nemanda sem upp á kann að vanta.
- 3.3. Framlag í samningi þessum kemur frá málaflökki 20.1 - Framhaldsskólar og fellur undir stefnu ráðherra á málefnasviði 20 – Framhaldsskólástig sbr. 20. gr. laga um opinber fjármál nr. 123/2015.
- 3.4. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á JSB ekki kröfu á ríkissjóð eða rétt á bótum þótt framlag til samningsins verði lækkað eða fellt niður. Séu gerðar almennar aðhaldskröfur af hálfu ríkisins til málaflökks 20.1 er heimilt að gera sömu kröfur til aðhalds í rekstri verkefna sem fellur undir málaflökk 20.1 og hjá JSB.
- 3.5. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
- 3.6. Styrkurinn er greiddur með mánaðarlegu framlagi.

## 4. Ábyrgð JSB

- 4.1. JSB ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. JSB skal geta lagt fram gögn og skýrslur þessu til staðfestingar, sé eftir því leitað.
- 4.2. JSB ber að gæta þess að útgjöld séu í samræmi við tekjur og gæta ráðdeildar í rekstri. Tekjum sem verða til í tengslum við samninginn er einungis heimilt að verja til þeirrar þjónustu sem hann nær til.
- 4.3. JSB ber ábyrgð á skuldbindingum sem hún eða aðilar á hennar vegum stofna til í tengslum við samning þennan.
- 4.4. JSB er óheimilt að:

- Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
- Framselja, án skriflegs samþykkis ráðuneytisins, greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

## 5. Upplýsingar, samskipti og eftirlit vegna fjármála og verkefna

- 5.1. Ráðuneytið hefur eftirlit með framkvæmd samningsins.
- 5.2. JSB skilar ráðuneytinu:
  - Áætlun um rekstur ásamt starfsáætlun, þar sem fram komi m.a. helstu starfsmarkmið sem unnið verður að, fyrir lok febrúar ár hvert.
  - Endurskoðaðan ársreikning ársins á undan með skýringum, fyrir lok mars ár hvert.
- 5.3. Eigi JSB í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.
- 5.4. Fulltrúar ráðuneytis og JSB funda að lágmarki árlega um samninginn að frumkvæði ráðuneytisins.
- 5.5. Fyrir lok febrúar ár hvert skilar JSB ráðuneytinu greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun.
- 5.6. JSB veitir ráðuneytinu upplýsingar sem það kallar eftir vegna eftirlits með framkvæmd samningsins eða vegna opinberrar upplýsingagjafar. Ráðuneytið hefur heimild til að gera sjálf eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.
- 5.7. Samning þennan, ársreikning JSB, greinargerð um framkvæmd samnings og úttektarskýrslur skal birta á vef JSB jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.8. JSB setur á vefsíðu sína ýmis gögn sem eru efnislegar afurðir samningsins, svo sem skýrslur, fræðsluefni og leiðbeiningar.

## 6. Vanefndir og meðferð ágreinings

- 6.1. JSB tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.
- 6.2. Ráðuneytinu er heimilt að rifta samningi þessum, draga úr greiðslum, stöðva greiðslur og endurkrefja um greiðslur uppfylli JSB ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


## 7. Bókhald og fjárreiður

- 7.1. Halda skal fjárreiðum og reikningshaldi JSB vegna samnings þessa aðgreindu frá öðrum fjárreiðum, bókhaldi og eignum JSB.
- 7.2. Að því leyti sem skólinn fæst við önnur verkefni en felast í framkvæmd þjónustusamnings þessa skal gera grein fyrir fjárreiðum þeirra í ársreikningi JSB.

**8. Gildistími og lok samnings**

- 8.1. Samningurinn gildir frá 01.09.2020 til 31.08.2023.
- 8.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 8.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 8.4. Samningur þessi er gerður í tveimur samhljóða eintökum og heldur hvor samningsaðili einu eintaki.

Reykjavík 25. september 2020

  
Mennta- og menningarmálaráðherra  
Lilja D. Alfreðsdóttir

  
f.h. Dansræktar JSB